

099-1 「台語文入門」評量 學號： 名姓：

(a) 詞彙俗語法測驗

1. 「俗語講：『來無張持，去無相辭』。」這句話內底的「無張持」會使換作下面佻一个詞？
(A) 無要緊 (B) 無法度 (C) 無先講 (D) 無方便
2. 「咱的交情也毋是 3 冬 5 冬，你閣 tsiah-nī 細膩，_____毋 tsiah 按呢。」請問空格仔內揀佻一个選項上適當？
(A) 馬 (B) 豬 (C) 猴 (D) 牛
3. 「阿明佻阿彰這對 tuā-sè-siān 感情 tsiah-nī 好，親像親兄弟，予人足欣羨。」請問「tuā-sè-siān」是啥物意思？
(A) 姊夫佻妹婿的關係 (B) 舅仔佻妹婿的關係 (C) 姊夫佻舅仔的關係 (D) 大舅佻舅仔的關係
4. 阿國 kā 阿德講：「阿銘捌 kā 我講，伊若出面，彼項代誌就無問題 ah。」阿德聽了講：「你莫聽伊 leh _____，伊逐擺攏嘛按呢講。」請問下面佻一个選項無適合囡佇空格仔內？
(A) làu ē-hài (B) tshiâu gê-tsô (C) pùn tǎh-ti (D) phah lā-liāng
5. 「景氣愈來愈 bái，公司政策變來變去，頭家閣死鴨仔硬喙 pue，員工批評的聲音 tshiāng-tshiāng 滾，ná 親像_____師父退休全款。」請問空格仔內揀佻一个選項上適當？
(A) 鐵工 (B) 板模 (C) 土水 (D) 電工
6. 阿國仔 in 囡號做阿明，阿明叫阿梅仔「a-tsim」，請問阿梅仔是阿國仔的啥物人？
(A) 姪仔 (B) 兄嫂仔 (C) 弟婦仔 (D) 姊妹仔
7. 「志明無法度閣佻春嬌做伙，因為春嬌已經_____à。」請問空格仔內揀佻一个選項上適當？
(A) 做人 (B) 做去 (C) 做--人 (D) 做--去
8. 「先生，阮欲坐 kàu _____，thang 好換車。」請問空格仔內揀佻一个選項上適當？
(A) 路站 (B) 車頭 (C) 路頭 (D) 車 pang

9. 「Làu 胸 làu 胸的衫，穿著胸坎會開_____hông 看。」請問空格仔內揀佢一个選項上適當？
(A) 光光 (B) 明明 (C) 現現 (D) 空空
10. 「阿美足 gâu 算 siàu，嘛真愛讀_____數學的冊。」請問空格仔內揀佢一个選項上適當？
(A) 關係 (B) 關心 (C) 關懷 (D) 關切
11. 「阿桃 kā 阿義講：『你若愛我，你 tō 愛來台南 tshuē 我。』」頂面第二个「愛」佢下面佢一句內底的「愛」全意思？
(A)「愛」錢死好 (B)「愛」媠毋驚流鼻水 (C) 愛哭閣「愛」tuè 路 (D) 破病 tō「愛」看醫生
12. 下面佢一个詞佢「潤餅 kauh」語詞構成的方式全款？
(A) 龍眼乾 (B) 米粉炒 (C) 甘草鹽 (D) 魚肚糜
13. 「恁牽手 ná 會無做伙來？」請問內底的「牽手」是啥物意思？
(A) 伴手 (B) 囡兒 (C) 家後 (D) 朋友
14. 欲加強形容的程度，咱會佇單音節的形容詞後壁加 2 个全款的音節，親像：「烏 sô-sô」、「紅 kòng-kòng」。請問咱若用頂懸的方法，欲形容一个人真「gōng」，咱會按怎講？
(A) gōng-tuh-tuh (B) gōng-tshia-tshia (C) gōng-bang-bang (D) gōng-mauh-mauh

(b) 閱讀理解

佇日本時代，真濟作穡人的土地攏予日本政府綁去種甘蔗，作穡人普遍攏真散赤。俗語講「世間第一 gōng，種甘蔗予會社 pōng」，tùi 這句俗語就會當看出日本政府 tùi 台灣人的剝削。

甘蔗是用「五分仔車」leh 載。「五分」就是指鐵枝路的闊度 kan-nā 是日本鐵枝路的一半 niâ，這種火車就叫做「五分仔車」。伊規身軀攏是烏的，有人就叫伊「烏頭仔」。

逐年到十一、二月，烏頭仔就開始收甘蔗。伊載甘蔗沿路「khi-khi-khók-khók」ná 親像一隻老牛全款 táuh-táuh-á 行。彼時 tsūn，庄跤囡仔無啥物 sì-siú-á 通 tām-sám，甘蔗是免費閣上 gió-toh 的 sì-siú-á。若遠遠聽著火車聲，庄仔頭的大細漢囡仔，就會走去鐵枝路邊，準備欲偷 giú 甘蔗，若 giú 著甘蔗就趕緊走，驚去予會社的人 tsang--tiòh，真正是緊張閣刺激。

自從糖業漸漸稀微了後，觀光業煞代替糖業漸漸發展。「烏頭仔」嘛 tuè 時代新換一 su 婿衫，變做「觀光小火車」。「五分仔車」慢慢行，載人客欣賞樸實的農村景緻，沿路 tsáu-tshuē 已經變無--去的記持。

【資料來源：uì 《台文通訊》改編】

請根據頂面問題回答問題

15. 五分仔車的「五分」是啥意思？
 - (A) 糖廠發車的車 pang
 - (B) 載甘蔗的 kuân 度限制
 - (C) 日本鐵枝路闊度的一半
 - (D) 車身的長度是日本火車的一半
16. 庄跤囡仔是按怎欲偷 giú 甘蔗？
 - (A) 欲提去賣
 - (B) iau-kuí 愛食
 - (C) 愛 sng 手 tsīan
 - (D) giú 轉去種
17. 五分仔車 tsit-má 大部分轉做啥物用途？
 - (A) 觀光
 - (B) 載客通勤
 - (C) 運送原料
 - (D) 改做標準車廂運用

頭疼的時 tsūn, 有 tang-sî-á 感覺著疼 kah 親像頭殼 giōng 欲 piak 破去。事實上頭疼恰腦組織並無關係, 因為腦組織受著頭殼碗的保護, 猶未演化出反應壓力感覺的功能。主要是因為附近的組織包含: 關節、皮肉、血筋抑是神經等, 受著刺激所引起的。

頭疼會當分做次發性恰原發性。次發性頭疼是某一種潛在病變所浮現的症頭。就是講, 無論是因為神經受著壓迫抑是鼻 līng 受到感染, 任何原因攏 有可能引起次發性頭疼。大多數的頭疼屬於原發性, 原發性頭疼包含緊張型頭疼恰鬢邊疼。

頭疼的原因是腦的疼覺中心被活化並製造血清張力素恰正腎上腺素等神經傳遞物。Tsia ê 化學物質予包佇腦周圍的腦膜血筋漲大, 引起血流量增加。血筋漲大的時, 血筋周圍的神經嘛去予伊 khiú tīn 動, tsia-ê 神經輪流 kā 訊號傳遞予三叉神經系統, 頭恰面的痛疼感覺 uì tsia 傳達到腦, 予咱感受著疼。引起頭疼的導引線可能是環境因素(無眠、壓力)抑是內在的因素(親像月事期間分泌的變化)攏有可能引起頭疼。

請根據頂面文章回答問題

18. 以下佗一个毋是可能引起頭殼疼的導引線?

- (A) 腦組織受傷
- (B) 內分泌失調
- (C) 規律性失眠
- (D) 壓力 siunn 大

19. 以下佗一種頭殼疼的性質恰其他 3 个無全?

- (A) 緊張引起的頭殼疼
- (B) 壓力引起的頭殼疼
- (C) 感冒引起的頭殼疼
- (D) 睏無飽引起的頭殼疼

20. 以下佗一个毋是引起頭殼疼的過程?

- (A) 腦周圍的血筋脹大
- (B) 腦周圍的疼覺中心活化
- (C) 腦周圍的神經 hōng khiú tīn 動
- (D) 其他神經 kā 信號傳予三叉神經系統